



## Acta da Asamblea Xeral

5 de abril de 2019

**Lugar:** Hotel Santiago Apóstol. Costa de San Marcos N°1.- Santiago de Compostela  
**Hora:** 19:30 horas en primeira convocatoria sesión extraordinaria  
           20:00 en segunda convocatoria sesión extraordinaria

### Orde do día

- 1- Lectura e aprobación se procede da acta da Asemblea anterior.
- 2- Liquidación de Orzamento e Balance de Contas 2018.
- 3- Orzamento 2019.
- 4- Rogos e preguntas

### Asistentes:

\*Presidente-Gonzalo Mario Triunfo Delgado  
 \*Secretaria Xeral- Mónica Flores Ferreiro

### ESTAMENTO DE CLUBS

AD Náutico de Narón- Amando Guerrero Gil  
 Artrogal- Tri 498- Pablo Dosil Rosende-Delegación  
 Club Triatlón Mar de Vigo- Lorena García Lago  
 Triatlón Ferrol- José Antonio Formoso Pita  
 Triatlón Rías Baixas- Enrique Hernández Moldes  
 Triatlón Vilagarcía Atenas Running (Carlos García Blanco-Delegación)  
 Cidade de Lugo Fluvial-Adrian Vázquez  
 Triatlón Coruña - Arturo López Iago  
 Nosportlimit- (Ricardo Rey – Delegación)  
 C.T. Mar de Vigo- (Lorena García Lago-Delegación)

### ESTAMENTO DEPORTISTAS

Gonzalo Triunfo Delgado\*  
 Susana Rodríguez Gacio (DGAN)  
 David Arias Díaz  
 Patricio Cruz Farías Forneiro  
 Francisco Javier Iglesias Prado

### ESTAMENTO TÉCNICOS

Luis Alberto Pina Refojos  
 Francisco Villanueva González (Péntatlon Moderno)

### ESTAMENTO OFICIAIS/XUICES

Mónica Flores Ferreiro\*

Asisten os seguintes membros da Xunta Directiva sen dereito a voto.

Tesoureira- Bárbara Carbajales León

Vicepresidente- José Manuel Saborido Martínez

Asiste con voz e sen voto para a presentación de orzamentos e contas Alejandro Lamela, representante da Asesoría Lamela Asesores.

### *Desenvolvemento da sesión e Acordos Adoptados*

Comeza a sesión en segunda convocatoria ás 20:03 h. con 11 membros presentes

O presidente agradece a asistencia dos presentes e introducindo a orde do dia.

#### 1.-Lectura e aprobación da acta da Asemblea anterior

O presidente indica que a acta foi enviada a todos os membros se fixeron as anotacións solicitadas e está publicada na páxina web. Pregunta se algúen desexa que se lea e na medida en que ninguén o solicita procédese á votación.

Votos a favor- 11

Votos en contra- 0

Abstencións- 0

## **2.- Liquidación de Orzamento e Balance de Contas 2018. (Xúntanse arquivos)**

O presidente introduce ao Asesor Alejandro Lamela para a presentación das contas 2018 e execución do orzamento.

O asesor procede á exposición das contas indicando as variacións más relevantes e as explicacións de cada partida.

Detalla a dotación de insolvencia creada para o prazo pendente de GV Sport, en relación á deuda pola devolución do adianto de inscricións do Tríatlon Rias Baixas que se suspendeu en 2016 e que quedou sen aboar.

Unha vez feita a exposición o presidente da a palabra aos presentes para que realicen calquera pregunta en relación ás contas e calquera contía que desexen aclarar.

Procédese á votación e apróbase por maioría.

Votos a favor- 14

Votos en contra- 0

Abstencións- 2

## **3.- Liquidación de Orzamento 2019. (Xúntase arquivo)**

O presidente procede a presentar o orzamento 2019 en canto aos ingresos e gastos. Indica que a nivel gastos o dato máis importante aumenta en persoal. En organización de probas hai unha contía importante xa que seguen aumentando o número de probas. Outro gasto relevante é o do seguro que é complicado conter o incremento continuo.

Gastos de viaxe e combustibles que engloba todo por participación en probas , furgonetas, axudas a deportistas tentarase detallar para este ano o recibido por cada deportista

José Antonio Formoso pregunta polo que inclúe a partida “Gastos de organización de probas e inscricións” . Alejandro Lamela indícale que son as facturas de probas que pasan os clubs á Federación pola organización de probas que ten unha contrapartida por outro lado.

O presidente expón que é unha previsión en canto as necesidades que imos ter de cara a 2019. Resalta a variación en gastos de persoal respecto a outros anos onde se contempla a indemnización dun despidio e unha reclamación que está no Servizo de Mediación e Arbitraxe pola reclamación de horas extras realizadas en 2018, por unha traballadora da Federación.

Aumentos de consideración nas amortizacións debido á furgoneta nova que maioritariamente se amortizará en 2018, previsión de renovación de páxina web, incremento de aluguer por cambio de local (respondese a Ricardo Rey- Nosport, á pregunta de se a Federación continuará en Lugo indicando que se buscará un local máis actual e accesible pero a sede seguirá en Lugo)

Incremento nos seguros co compromiso de tentar buscar mellores opcións para diminuílo.

Incremento de gasto nas axudas a deportistas reflexándoas claramente e en Escolas Deportivas.

En canto aos ingresos.- Subvencións e ingresos de entidades públicas e a posibilidade dun patrocinio en negociación para un circuíto de probas.

Arturo López pregunta se está asegurada a subvención da Xunta de Galicia e indícaselle que estamos pendientes de asinar o convenio e haberá que xustificala pero por suposto se conta con ela.

Francisco Iglesias pregunta en referencia á subida no incremento de licenzas e o presidente indícale que se conta cunha subida.

Luis Piña pregunta polas Escolas deportivas e axudas. O presidente responde que se vai incrementar e desglosar en que se reparte xa que ata agora estaba todo na mesma partida.

Luis indica que non se comprende xa que o orzamento debe reflectir un proxecto, que ve unha axuda de 5000 e antes eran 10000.

O presidente indica que hai unha serie de convenios con escolas que se respectarán pero unha vez rematen se revisarán os convenios e se establecerá a nova dinámica de inversiós na escola e se ampliarán as axudas. Invertirse en salarios a adestradores, material e outras necesidades das escolas. Indica que de momento son orzamentos cando se execute poderá reclamarse en que se gastan.

Luis Piña- pregunta respecto á inversión en publicidade. O presidente indica que se está renovando a web e a imaxe federativa.



Luis Piña pregunta en canto a axudas a deportistas. Aparecen 5000 € cando había unha partida de 10.000€ de axudas a deportistas e pide explicación ao respecto. A tesoureira explica que estaba todo mesturado en partidas de dietas, quilometraxe, gastos de viaxe segundo o que se aportaba.

Alejandro Lamela indica que en 2018 non aparecen esas axudas nin no orzamento nin nas contas porque non ten ningún documento contable para engadilas ás contas polo tanto ambas estarán en 2019.

Arturo explica que tal como está reflectido no orzamento só hai 5000 euros para as axudas non un incremento.

Debátese a partida e recóllese a suxestión de José Antonio Formoso para axustar o gasto do orzamento e recoller as axudas a deportistas resoltas e abonadas en 2019.

Arturo Lago pregunta pola subvención que inicialmente figuraba de 15.000€ de Pontevedra e indícase que se enviou o segundo documento cambiando a partida a ingreso privado xa que é unha factura de servizos federativos non a través de unha axuda pública.

Ante a petición e suxestións acórdase votar o orzamento coa modificación orzamentaria engadindo as axudas a deportistas por un total de 25.000 € e quedando un resultado final de + 11.027,51

Votos a favor- 9

Votos en contra- 3 (CT Mar de Vigo, Luis Piña, e Francisco Villanueva)

Abstencións- 3

#### **4.-Rogos e preguntas**

- Ricardo Rey – Pregunta respecto ao patrocinio de probas .

O presidente indica que sería para mellorar a organización e premios. Considera para este ano díás probas. Tanto Arturo López coma Ricardo Rey indican que hai demasiadas probas e que esas axudas deberían ser para beneficio de todos nas que xa hai, tendo en conta que quedan deslucidas por pouca participación xa que o calendario é moi denso.

Pablo Dosil indica que serían probas gratuitas polo tanto beneficiar a todos e axudas directas en premios aos deportistas que os reciben, premios semellantes ao campionato galego. Indica ademais que sería unha competición entre clubs, segundo a calidade de organización sería tamén unha competición entre os clubs. Certas probas que cumplen os requisitos para organizar esas probas.

José Antonio Formoso indica que máis que dotalas de calidade que xa a teñen en xeral, sería dotalas de premios ao que Gonzalo indica que non é o noso obxectivo que a xente gane cartos e que en todo caso. Luis Piña considera incompatible a participación de deportistas de World Series nestas probas.

Incorpórase Susana Rodríguez representante de deportistas.

- O presidente da a palabra a Luis Piña que presentou un rogo á Asemblea cunha petición de explicación do seu despido.

Luis Piña expón que quere aclarar a situación que rodeou o seu despido. Comezou traballar desde novembro de 2002. Foi convocado a unha xuntanza o venres fai dous días semanas para indicarlle que non se contaba con el, o motivo que se lle da é que os clubs galegos pedirán un cambio. Indica que preguntou se había algúin motivo respecto ao incumprimento pola súa parte da súa actividade. Indica que el falou co presidente desde o día que foi elixido deulle a entender que asumía o cambio e que estaba disposto a sumar. Considera que así o fixo e marcou o rumbo en cuestións pendentes que consideraba inminentes para que estivese informado. A resposta do presidente é que el é adestrador aínda que estivera facendo outras funcións. Pide explicación sobre a valoración coma adestrador pola súa dedicación, entrega ou resultados deportivos. A continuación fala das súas funcións, indica que non lle saben responder de xeito claro. Expón as súas funcións. En 2002 entra como adestrador do CGTD con Omar González, a partir de aí máis adiante empezou desenvolver outras labores de categorías menores, creación dalgúnha escola, volcouse en potenciar o nada e corre, coordinou e desenvolveu cursos de adestradores na federación, apoiou a organizadores por pautas segundo as necesidades do momento da Federación. Organizou e botou unha man na súa función en probas de menores especialmente e tamén de adultos coma por exemplo o Depo Desafío onde ademais de a proba de adultos conseguiron meter unha proba de menores, Triatlón da Amizade, algúin triatlón de menores e en bastantes nada e corre. Exerceu funcións de coordinación nos proxectos dos últimos anos en Pontevedra e labores de Dirección Técnica, cuestión que lle indicou a Gonzalo entendía que fose de confianza se ben nunha federación na que se compite unha vez ao ano como autonomía a selección faise sola igual que as catro indicacións que hai que dar. O que da traballo é organizar as expedicións e o traballo de xestión que hai por detrás. Estivo tamén detrás dos

encontros de menores de Semana Santa ao principio directamente e estes últimos anos colaborando con Lorena. Deixaron preparado o de 2019 senon non se fariña xa que enviouno orzamentado, preparado e saíu fai dúas semanas por poñer un exemplo. No CGTD inicialmente era adestrador con Omar, nos últimos anos desenvolveu función de coordinación no mesmo. Susana en 2013 xurdíu para a Federación Española unha nova vía para ter deportistas en Xogos paralímpicos en 2016 . Desde esa data foi a súa función principal, considera que estar ao lado dunha deportista con discapacidade é diferente e precisa que se estea más preto dela. Susana sae a correr e non pode saír sola, nada sola pero coas súas limitacións. A Federación considerou nese momento importante axudar a unha deportista con posibilidades de estar nuns xogos e máis poder conseguir medalla que non é que vaimos sobrados. Entende que ese feito para esta federación é agora secundaria e o apoio que recibe Susana a través del non parece interesante ou parece caro ou posto na balanza non compensa seguir axudándoa. Ademais disto os últimos anos a burocracia é maior e as xestións da parte técnica son importantes, en decembro fixo a previsión do proxecto de tecnificación , debería facerse a xustificación e resolverse en febreiro e non sabe nin se está a data de hoxe porque non se resolvieron as axudas a probas internacionais que servían para xustificar iso, por iso a dia de hoxe dubida que estea enviada a xustificación. Así mesmo en marzo chámamo para indicarle que se pasou o prazo para enviar a memoria de tecnificación que se resolveu cunha chamada de última hora e entregouna. Entre outra documentación técnica elabora o proxecto do CGTD para a Xunta así como o proxecto de patrocinio da Xunta onde tamén se require bastante documentación técnica que normalmente elabora xunto con Ánxelos intentando botarlle unha man.

Resume o despido en si indicando que non obedece a algo puntual ou persoal e que varios membros desta xunta directiva se fartan a dicir que a folla de ruta é que todo o que ten que ver con Paco Villanueva pois se van á rúa tarde ou cedo. Coma o tema do Pénatlon que se plantea eliminalo. Dende a creación do Pénatlon nunca se valorou, considera que agora o que se quere é cargar a quen ten ao lado. Considera que porque si, que tampouco cre que dean a cara e digan as cousas como son. Respecto ao CGTD ve que está deixado, ten que haber un programa deportivo para os deportistas, por exemplo concentracións. No CGTD hai unha serie de becados por méritos que cumplen uns criterios marcados pola Secretaría Xeral e a FEGATRI ten a obriga de darlle o soporte técnico para desenvolvemento deses deportistas. Dende fai anos separouse e non ten nada que ver se Susana vai competir fóra ou o paga ou opta ás axudas de competición internacional pero o soporte técnico e cumprimento do plan deportivo de cada un deles a día de hoxe non hai tal cousa. Resólvese algún, Serrat ía competir a series mundiais, resólvese o día anterior sacando un billete tres días antes. As peticións respecto a Susana enviadas fai meses, reiterounas Susana indicando se conta con axuda no seu programa deportivo ou non. Non hai resposta, boas palabras, pero a día de hoxe non ten resposta. Considera que non ten nada que reprochárselle e ten a conciencia tranquila. O presidente da as grazas e indica que por parte da Xunta Directiva non ten nada que decir.

-Susana Rodríguez, fai unha pregunta que indica é estritamente deportiva. Expón que fai uns meses desde Luis e non sabe se Omar e outros técnicos propúxose a FEGATRI a participación dalgúns deportistas no Mundial Multideporte de Pontevedra, para as carreiras que non tiñan convocatoria FETRI, pero que se consideraban deportistas de interese para o desenvolvemento do triatlón na comunidade nunha proba mundial a celebrar aquí, axudándolles coa inscrición. Indica que o seu adestrador solicitou a súa participación no Acuatlón paralímpico e fai uns días na circular na que se publican os deportistas aos que se lles aboará a inscrición ela non aparece.

Pregunta quen é o responsable da parte deportiva da FEGATRI para resolver todas as cuestións que teñen pendentes de concentracións e plan deportivo xa eu deduci que era José Rioseco pero a través dun correo indicoulle que non era así. Así mesmo pregunta porqué a súa participación non é nin de interese federativo, cos mellores resultados dos últimos seis anos e licenza galega.

O presidente indica que a programación do campionato do mundo veu xa adquirida por esta nova directiva. Por que no seu momento cando se abriron as inscricións non foi solicitado á anterior equipo.

Indica que non vai entrar en suposicións , deducións, ou semellantes. Confirmalle que José Rioseco non é Director Técnico, pero está colaborando para levar a parte técnica como directivo. Indica que non lle consta a solicitude por parte de Susana. Si chegaron outras doutros deportistas que foron xestionadas fronte á FETRI e non foron aprobada por falta de espazo. Si se recibiu o seu plan deportivo ao que se lle contestará.

Susana considera que se discrimina porque ten beca ADOP cando os deportistas con estas becas teñen os mellores resultados e a data de hoxe dende a FEGATRI dende decembro non se lle dea solución e que se incumpren os compromisos do Convenio da Xunta cos deportistas bolseiros do CGTD.

O presidente indica que se terá en conta a solicitude e tentarase solucionar a participación de Susana no Multideporte a través da FETRI.



Respecto aos prazos de resolución das peticións da planificación deportiva de concentracións ao que Susana pide un prazo de resolución explícito, o presidente responde que no prazo máis breve posible se lle enviará unha resolución.

-José Antonio Formoso pide que si se debería explicar porque se botou a Luis Piña con máis detalle. O presidente indica que estamos nun proceso xudicial xa que non houbo acordo, o traballador recibiu unha carta na que se lle indican as causas legais e na medida en que estamos no procedemento xudicial non podemos dar máis explicacións que poidan ser utilizadas contra a Federación neste proceso. Unha vez finalizado o proceso darase toda a información precisa.

Levántase a sesión ás 22:07 h

Asdo.- A Secretaria Xeral  
Mónica Flores Ferreiro

Asdo.- O presidente  
Gonzalo Triunfo Delgado.

